

宋詩鈔補

一
玉
八
冊
玉

東坡集補鈔

作明詩道每雜爲志不蘇知惠者州咀嘗味以作爲詩有下讖獄訕再而起實遂不徧歷也侍出從守而

誣錢唐再來三別言游之公臨公別曰上願馬君笑至曰杭若少還作與詩也恐便爲有不箋云喜時者

云有之吳戲又厚云者願取君蔡不安忘州鄙詩言作某注雖蔡老安悖州然遇謂禍者故希有之箋

滄歲海不變妨眩也百善怪之終言歸放雄陶渾評蘇東坡如屈注天潢倒連

今庚上溪皇詩帝話尤愛太其上文皇梁帝丞相盡叔復子軾乾官道擢初其任孫掖符垣至一尙日書

否內命中內宿侍直召以對示上之曰近乾有道趙夔上等遂注爲軾詩御甚製詳文卿集見序之

又贊賜命曾有孫嶠刊出之身擢爲太臺師諫侍文從

題韓康公家妓白團扇

窗搖細浪魚吹日舞罷花枝蜂遶衣不覺南風吹酒醒空教明

月照人歸

侯鯖錄韓康公絳子華謝事後自穎入京看名上德如傳十

欽之府至晚子錢穆不悅東坡云劉貢日父爲顧本子殿敦燒香在人坐多錢留穆
人住坐飲客大專笑龍者形曰宵九生舞母丈爲夫也游方所坐螯出家華妓意十不餘
甚憚久之呼出持白團扇喜從坡東曰惟乞恐詩他姬書厮賴故上云句
記姓下句書蜂事康公團大扇喜從坡東曰惟乞恐詩他姬書厮賴故上云句
大耳笑客皆

題萬松亭

十年種木百年規。好德無人助我儀。縣令若同倉庾氏。亭松應
長子孫枝。天公不赦斧斤厄。野火解憐冰雪姿。爲問幾株能合
抱。殷勤記取角弓詩。

復齋漫錄萬松亭在關山亭始去麻城十縣令張毅植存萬松於
道用底行松亭以名其山亭去麻城十縣令張毅植存萬松於
不還坡三四東坡元詩豐碑二年復謫居而黃過州往過題詠詩者不可崇勝寧
以還坡三四東坡元詩豐碑二年復謫居而黃過州往過題詠詩者不可崇勝寧
記鄱陽倪左司濤傷之謂此詩也舊
韻無儀字蒼髯有濤恨聲之謂此詩也舊

東坡何公橋

一名政和橋

天壤之間水居其多。人之往來如鵜在河。順水而行。雲駛鳥疾。惟水之利。千里咫尺。亂流而涉。過膝則止。惟水之害。咫尺千里。沔彼濫觴。蛙跳鯨遊。溢而懷山。神禹所憂。豈無一木支此大壤。舞于盤渦。冰拆雷解。坐使此邦。畫爲兩川。雞犬相聞。胡越莫救。允毅何公。甚勇于仁。始作石梁。其艱其勤。將作復止。更此百難。公心如鐵。匪石則堅。公以身先民。以悅使老。壯負石如負其子。疏爲玉虹。隱如金隄。直欄橫檻。百賈所棲。我來與公同載而出。驩呼闐道。抱其馬足。我嘆而言。視此滔滔。未見剛者。孰爲此橋。願公千歲。與橋壽考。持節復來。以慰父老。如朱仲卿。食于桐鄉。我作銘詩。子孫不忘。

呂與叔博士挽詞

言中謀猷。行中經關。西人物數清英。欲過叔度。留終日。未識魯

山空此生論議凋零三益友。功名分付二難兄。老來尙有憂時歎。此涕無從何處傾。

贈李委

山頭鳴鶴向南飛。載我南遊到九嶷。下界何人也吹笛。可憐時復犯龜茲。

太真妃褰帶詞

百疊漪漪水皺。六銖縱縱雲輕。植立含風廣殿。微聞環佩搖聲。

端午帖子

上林珍木暗池臺。蜀產吳苞萬里來。不獨盤中見盧橘。時于糗裏得楊梅。

來鶴亭

鴻漸偏宜丹鳳南。冠霞披月羽毵毵。酒酣亭子來看舞。有客新

名喚作耽。

大庾嶺村居題壁

鶴骨霜髯心已灰。青松夾道手親栽。問翁大庾嶺頭住。曾見南遷幾箇迴。

贈妓李宜

東坡居士文名久。何事無言及李宜。恰似西川杜工部。海棠雖好不題詩。

書劉君佐小女褰帶

任從酒滿翻香縷。不願書來繫綵牋。半接西湖橫綠草。雙垂南浦拂紅蓮。

戲書徐黃州侍人閨姬

玉筍纖纖揭繡簾。一心偷看綠羅尖。使君三尺毬頭帽。須信從

來只有簷。

春帖子

東風弱柳萬絲垂。的皪殘梅尙一枝。璽館乍欣蠶浴後。禰壇猶記燕來時。

塔前古檜

凜然相對敢相欺。直幹凌雲未要奇。根到九泉無曲處。世間唯有蜃龍知。

秋日牡丹

一朵妖紅翠欲流。春光回照雪霜羞。化工只欲呈新巧。不放閑花得少休。

寄子由

眼看時事力難任。貪戀君恩退未能。遲鈍終須投劾去。使君何

日換聾丞

八月十五觀潮

吳兒生長狎濤淵。冒利忘生不自憐。東海若知明主意。應教斥
鹵變桑田。

和李常韻

何人勸我此間來。弦管生衣甌有埃。綠蟻濡脣無百斛。蝗蟲撲
面已三回。磨刀入谷追窮寇。洒涕循城拾棄孩。爲郡鮮歡君莫
歎。猶勝塵土走章臺。

題風水洞

山前乳水隔塵凡。山上仙風拂檜杉。細細龍鱗生亂石。團團羊
角轉空岩。馮夷窟宅非梁棟。禦寇車輿謝轡銜。世事漸艱吾欲
去。永隨二子脫譏讒。

和劉道原

敢向清時怨不容。直嗟吾道與君東。坐談足使淮南懼。歸去方知冀北空。獨鶴不知驚夜旦。羣鳥未可辨雌雄。廬山自古不到處。得與幽人子細窮。

習射放鴈

青蓋前頭點皁旗。黃茅岡下出長圍。弄風驕馬跑空立。趁兔蒼鷹掠地飛。回望白雲生翠巘。歸來紅葉滿征衣。聖朝若用西涼簿。白羽猶能效一揮。

和劉攽韻

白髮相望兩故人。眼看時事幾番新。曲無和者應思郢。論少卑之且借秦。歲惡詩人無好語。夜長鰥守向誰親。少思多睡無如我。鼻息如雷撼四隣。

十載漂然不可期。那堪重作看花時。門前惡語誰傳出。醉後狂歌自不知。刺舌君今猶未戒。炙眉我亦更何辭。相從痛飲無餘事。正是春容最好時。

和李清臣韻

五斗塵勞尙足留。閉門聊欲治幽憂。羞爲毛遂囊中穎。未許朱雲地下遊。無事會須成好飲。思歸時亦賦登樓。羨君幕府如僧舍。日向城西看浴鷗。

送李清臣

珥筆西歸近紫宸。太平典冊不緣麟。付君此事寧論晉。載我當時舊過秦。門外想無千斛米。墓中知有百年人。看君兩眼明如鏡。休把春秋坐素臣。

司馬君實獨樂園

青山在屋上。流水在屋下。中有五畝園。花竹秀而野。花香襲杖屨。竹色侵盞罍。尊酒樂餘春。基局消長夏。洛陽古多士。風俗猶爾雅。先生臥不出。冠蓋傾洛社。雖云與衆樂。中有獨樂者。才全德不形。所貴知我寡。先生獨何事。四海望陶冶。兒童誦君實。走卒知司馬。持此欲安歸。造物不我舍。名聲逐我輩。此病天所赅。撫掌笑先生。年來學喑啞。

送劉攽通判泰州

君不見阮嗣宗。臧否不挂口。莫誇舌在牙齒牢。是中唯可飲醇酒。讀書不用多。作詩不須工。海邊無事日。日醉夢魂不到蓬萊宮。秋風昨夜入庭樹。萼絲未老君先去。君先去。幾時回。劉郎應白髮。桃花開不開。

送曾鞏通判越州

醉翁門下士。雜遝難爲賢。曾子獨超軼。孤芳陋羣妍。昔從南方來。與翁兩聯翩。翁今自憔悴。子去亦宜然。賈誼窮適楚。樂生老思燕。那因江膾美。遽厭天庖羶。但苦世論隘。聒耳如蜩蟬。安得萬頃地。養此橫海鱣。

留題風水洞

春山礫礫鳴春禽。此間不可無我吟。路長漫漫傍江浦。此間不可無君語。金鯽池邊不見君。追君直過定山村。路人皆言君未遠。騎馬少年清且婉。風巖水穴舊聞名。只隔山溪夜不行。溪橋曉溜浮梅萼。知君繫馬巖花落。出城三日尙逕遲。妻孥怪罵歸何時。世上小兒誇疾走。如君相待今安有。

和劉道原寄張師民

仁義大捷徑。詩書一旅亭。相夸綬若若。猶誦麥青青。腐鼠何勞

嚇高鴻本自冥。顛狂不用喚。酒盡漸須醒。

九月二十日微雪懷子由弟

岐陽九月天微雪。已作蕭條歲暮心。短日送寒砧杵急。冷官無事屋廬深。愁腸別後能消酒。白髮愁來已上簪。近買貂裘堪出塞。忽思乘傳問西琛。

和劉長安題薛周逸老亭周最善飲酒未七十而致仕

近聞薛公子。早退驚常流。買園招野鶴。鑿井動潛虬。自言酒中趣。一斗勝涼州。翻然拂衣去。親愛挽不留。隱居亦何樂。素志庶可求。所亡嗟無幾。所得不啻酬。青春爲君好。白日爲君悠。山鳥奏琴筑。野花弄閑幽。雖辭功與名。其樂實素侯。至今清夜夢。尙驚冠壓頭。誰能載美酒。往以大白浮。之子雖不識。因公可與遊。

中隱堂

去蜀初逃難。遊秦遂不歸。園荒喬木老。堂在昔人非。鑿石清泉激。開門野鶴飛。退居吾久念。長恐此心違。

二月驚梅晚。幽香此地無。依依慰越客。皎皎似吳姝。不恨故園遠。空嗟芳歲徂。春深桃杏亂。笑汝益羈孤。

是日自蟠溪將往陽平。憩于麻田青峯寺之下院翠麓亭。不到峯前寺。空來渭上村。此亭聊可喜。脩徑豈辭捫。谷映朱欄秀。山含古木尊。路窮驚石斷。林缺見河奔。馬困嘶青草。僧留薦晚殮。我來秋日午。早久石牀溫。安得雲如蓋。能令雨瀉盆。共看山麓稻。涼葉意翻翻。

是日至下馬磧。憩于北山僧舍。有閣曰懷賢。南直斜谷西臨五丈原。諸葛孔明所從出師也。

南望斜谷口。三山如犬牙。西觀五丈原。鬱屈如長蛇。有懷諸葛

公萬騎出漢巴。吏士寂如水。蕭蕭聞馬櫪。公才與曹丕。豈止十倍加。顧瞻三輔間。勢若風捲沙。一朝長星墜。竟使蜀婦髻。山僧豈知此。斗室老烟霞。往事逐雲散。故山依渭斜。客來空弔古。清淚落悲笳。

和子由記園中草木

自我來關輔。南山得再遊。山中亦何有。草木媚深幽。菖蒲人不識。生此亂石溝。山高霜雪苦。苗葉不得抽。下有千歲根。蹙縮如蟠虬。長爲鬼神守。德薄安敢偷。

野菊生秋澗。芳心空自知。無人驚歲晚。惟有暗蛩悲。花開澗水上。花落澗水湄。菊衰蛩亦蛩。與汝歲想期。楚客方多感。秋風詠江蘼。落英不滿掬。何以慰朝飢。

南溪之南竹林中新構一茅堂余以其所處最爲深邃故

名之避世堂

猶恨溪堂淺。更穿脩竹林。茅茨追上古。冠蓋謝當今。曉夢猿呼覺。秋懷鳥伴吟。暫來聊解帶。屢去欲攜衾。湖上行人絕。堦前暮雪深。應逢綠毛叟。叩戶夜抽簪。

樓觀

鳥噪猿呼晝閉門。寂寥誰識古皇尊。青牛久已辭人世。白鶴時來訪子孫。山近坳風吹積雪。天寒落日淡孤村。羽流應怪遊人衆。汲盡堦前井水渾。

仙遊潭

翠壁下無路。何年雷雨穿。光搖巖上寺。深入寺中天。我欲燃犀看。龍應懷寶眠。誰能孤石上。危坐試僧禪。

唐初傳有此。亂後不留碑。畏虎關門蚤。無村得米遲。山泉自入

甕野桂不勝炊。信美那能久。應先學忍飢。

華陰寄子由

三年無日不思歸。夢裏還家旋覺非。臘酒送寒催去國。東風吹雪滿征衣。三峯已過天浮翠。四扇行看日照扉。里堠消磨不禁盡。速攜家餉勞驂駢。

陪歐陽公燕西湖

謂公方壯鬢似雪。謂公已老浮光頰。竭來湖上飲美酒。醉後劇談猶激烈。湖邊草木新著霜。芙蓉晚菊爭煌煌。插花起舞爲公壽。公言百歲如風狂。赤松共遊也不惡。誰能忍飢啖仙藥。已將夭壽付天公。彼徒辛苦吾差樂。城上烏棲暮靄清。銀缸畫燭照湖明。不辭歌詩勸公飲。坐無桓伊能撫箏。

秋懷